



## بیر سالاما دیمه دی

بوگون من سنی گۆردوم،

سالام وئرمک ایسته دیم،

اوزونو یانا توتدوم.

سؤیله اییللرده ن بری

قلبیمیزین بیر دویوب

بیر وردوغو ایللیرى ،

آخی نه تنز اونوتدوم؟

بئش ایل ده گۆزوموزده ن آخان او قانلی ستل لر،

بیر سالاما ده یمه دی؟

هئج اوزومه باخمادین یانیمدان نجه کئچدین ؟

سن عشقین سالامین قورخویامی دئیشدین؟

یوخسا سن اؤز عهدینه ایلقارینا عاق اولدوم؟

اوقده ر یاخین ایکن ،بو قده ر اوزاق اولدوم.

شیرین گولوشلریمیز ، آجی فغانلاریمیز

بیر سالاما ده یمه دی؟

قایغی لی آنلاریمیز ، قایغی سیز آنلاریمیز

بیر سالاما ده یمه دی

سن نه ائيله دین بیر دوشون!

یالنیز ایندی آنلادیم : آه ، سن داها منیم ایچون

ال چاتماز بیر چیچک سن ،

یاشانمیش گونلریم تک گئری دؤنمه یه جکسن ! ...

قوپ ای طوفان اس ، ای یئل ! خزه ل اولوم ، تۆکولوم

دوز بئش ایل اوره بیلمده

بسله دییم محبت ، بیر سالاما ده یمه دی.

بیر گونلوك حسرتیمه دؤزه بیلمه ین گولوم ،

بس نه اولدو؟ بو حسرت بیر سالاما ده یمه دی ؟

گئتدین دالینجا با خدییم جان آییریلدى جانیمدان،

سن نجه اعتنا سیز اؤته بیلدین یانیمدان ؟

آه چکدیم ، باشیم اوسته یاریقلار اسدی ، گولوم ،

سنین قلبین اسمه دی

گئری یه ده باخما دین!

نئیله سنین یولو نو محبتین کسمه دی ؟ ...

قازا نجیمیز دئه ، بو مو ؟

دئیل مه میش او سلام الوداع میز اولدو مو؟

سن منه ظولوم ائيله دین ، منه ظولوم یاراشیر،

بیر سالاما ده یمه ین عشقه اولوم یاراشیر!